



孤山先生遺稿

詩

三

早稻田大學附屬圖書館

寄第 一

第 16

第 1494

出帶許不 3



和6
1494
3



孤山先生遺稿卷之二

肥後

藪慙士厚著

藪將泰編輯

七言古

仙遊悲

數言長子浦郎遊仙山。瞬息之間。既歷數百年。一旦
忽令歸鄉。閭里故舊。一無存者。因悲而作歌也。
勿願長生仙。長生千歲如一日。勿願飛行仙。飛行萬

孤山遺稿 卷之二
里如一室。我自仙山返故鄉。故鄉何茫茫。昔我垂綸處。今種麻與桑。昔我寢興處。今牧牛與羊。纍纍原上墳。皆是子與孫。紛紛邑中人。皆非戚與親。故鄉若此。我欲棄之再游仙之都。仙都雖樂兮非吾居。仙女雖美兮非吾姝。仙殺錯陳兮吾不以爲腴。仙樂迭奏兮吾不以爲娛。吁嗟乎我何處何之。去不可樂兮處可悲。我願與萬物同生。與萬物同死。

古雪亭歌

六鼇蹴浪地欲裂。芙蓉鎮山何巖薛。八萬四千餘丈

高。上有終古不消雪。玉山老子號謫仙。飄然赤腳踏層巔。三峰以爲筆。東海以爲研。雪瀋題字字如花。神鬼夜哭巨靈眩。不盡天風捲雪花。吹落綠陽田子家。田家兄弟稱篤古。由來不屑時人妬。滿腹文章吐不休。五指颯颯如風雨。上窺姚姒下先秦。東京以降如糞土。君不見古雪亭上古雪色。永與斯文無窮極。

三更刁斗篇同高子友賦

邊城八月白榆飛。夜夜繁霜撲鐵衣。胡虜千群乘秋下。漢兵十萬戰未歸。塞外悲風搖草色。胡天落日陳

雲黑衛尉連營瀚海西。嫖騎橫戈陰山北。半夜轅門
刁斗發。鐵馬蕭蕭嘶未歇。清響遙傳萬里雲。寒聲欲
墮三更月。明月白雲一渺茫。丁丁啄啄夜何長。誰能
爲之不垂淚。誰能爲之不斷腸。征人半沒長城窟。枯
骨如麻亂縱橫。古來從軍人所苦。何無長策御邊疆。

調馬行

五陵公子競豪雄。春日調馬杏花東。錦帳連雲金作
埒。相迎長揖就場中。壯姿駿足雙雙是。牽來各各嘶
長風。周家八匹何足數。疑是君王玉面驄。怒眼振鬣

何猛烈。奔騰一躍欲凌空。從來不用鞭與策。捷如飛
電氣如虹。上駟中駟互相馳。爭罷猶看汗血紅。却笑
世人無良策。千金終歸孫氏功。

復陽洞胡麻乳歌

復陽洞裡小天台。近在城南大道隈。道上風塵千萬
斛。化作煙霞席上來。復陽仙人降九天。謫住人間幾
許年。悠悠世路多凡骨。咫尺靈區似杳然。我停雙屐
叩仙館。應門童子顏如燦。笑我塵骸不得休。笑我塵
腸將欲爛。銀盆玉杵搗胡麻。凝爲香乳有光華。瑩若

冰壺含片月。皎如珠樹著三花。姑射真人雲襟披。雙
肉如雪胸前垂。何郎寒食終何益。劉阮珍膳未足奇。
一餐頓使齒牙清。再餐忽使四肢輕。三餐四餐餐未
終。泠然欲去御天風。仙人留我授真詮。道汝黃口一
雛仙。金鼎大丸難遽服。先將乳汁洒腥膻。膻盡腸清
粒食消。渺渺天衢不患遙。待汝道成功滿日。相携同
躡赤城標。

畫竹歌

栽竹勿栽俗士居。畫竹勿畫庸人壁。庸人無識俗士

鄙。徒使此君氣蕭索。赤膚山人茆爲屋。滿壁唯看畫
修竹。何人妙腕合天真。一掃渭川千畝綠。萬個琅玕
礙碧空。烟飛雨濺畫濛濛。蔥翠似含西嶺氣。清涼徐
引北窻風。山人清節少人知。日對此君銜酒卮。此君
不言又不笑。風韻瀟洒有餘姿。麗門狂客偶相過。爲
君新栽畫竹歌。試取瑤瑟推碧柱。葉葉枝枝狂欲舞。

龍髯歌

豢龍氏云沒。龍旣不可馴。葉公好畫龍。畫成非其真。
真龍蟄時多魚服。真龍騰後雲纏身。千百年來無觀

者何殊以夢說癡人。一夜風雷起正東。如有神物鬪雲中。須臾雲收天亦且。繽紛白毛墜半空。纖如冰絲之抽繭。靡如春草之迎風。童子拾數莖。供之書案下。數子熟視曰。嗚呼是龍之髯也。童子啞然笑不休。孰謂夫子博物者。吾聞龍之爲物。威神亦至矣。天下何物可與比。宣武之鬚尚蝟磔。荆卿之髮亦冠指。而况龍之髯乎。何爲委靡之到此。數子解之曰。此吾所以識龍之爲龍。噫嘻龍邪龍邪。何必猙其形。獐其容。汝不信我言。請看南陽廬中一臥農。

島原篠子緝築亭名鸞翔請余詩作歌贈之
東海有仙山。芙蓉八峰連。高高不可窮。參差蔽青天。
列宿無光彩。兩曜亦黯然。不盡天風拂層巔。一杯之
土落西邊。化爲突兀之奇峰。海西別起小芙蓉。層崖
絕壁千餘仞。瑞霧祥雲幾許重。中有丹穴產靈禽。羽
毛爛爛五彩深。求伴不隨凡鳥群。飲玉池兮啄瓊林。
一翔鼻崑崙。再翔窄南溟。翔翔何所止。爰有篠生亭。
篠生自抱雲霄志。雖在塵中無係累。世人嗷嗷笑君
狂。君亦不屑世人刺。莫道亭小若樊籠。汪洋胸次似

雲夢。朝緡大古之奇策。夕據綠綺之孤桐。芙蓉玉女
笑容開。贈君清風朗月來。此時彩鸞爲君舞。掌中大
白無筭數。劃然一嘯遶屋長。却與鸞聲相頡頏。

還山吟送別

爰居厭鐘鼓。野鶴耻軒車。所以曠達士。難將利祿挈。
夫子淵明流。五斗非其志。忽唱歸去來。浩然脫塵屣。
南山秀出南斗上。舊廬依舊夾青嶂。門外蒿萊未全
蕪。牆頭薜蘿覺日長。須臾林壑生光輝。猿鹿欣欣待
汝歸。數畝石田王稅薄。足以耘耔免寒饑。山中酒熟

不要錢。相就相迎醉卽眠。上有高枕之盤石。下有漱
玉之清泉。我亦夙心存林藪。掛冠耻在夫子後。願待
桃花爛熳時。扁舟欲泝青溪口。

西孟清大集諸賢及予於嶼島大勝樓。需題

所蓄洞庭畫軸賦贈。

以下三首係乙未東遊作

浪華竒士西孟清。方寸瑩然絕辱榮。手攜洞庭圖一
幅。時時來往謁群英。群英筆墨飛滿帛。一一如聽金
石聲。幘尾餘白猶未全。爲余天神橋西開酒筵。澱江
翻爲洞庭水。駒峰變作洞庭巔。大勝之樓暗如畫。宛

與岳陽相映帶。千古風流才不盡。唐賢宋哲來相會。
長風萬里捲江濤。濛濛煙雨濺持螯。滿座絲竹勸一
醉。鈞天廣樂曲曲高。神耶仙耶將夢耶。倏然飛入畫
圖中。但恨我無謝眺驚人句。空題漫語接英風。

訪伯潛一宿賦示

日月如奔流。人世似浮萍。浮萍無定所。奔流不少停。
昔我弱冠時。振纓入京洛。京洛多貴游。紛紛相酬
酢。朝叩李膺門。夕宴孫弘閣。一夕秋風吹客衣。忽憶
尊鱸萬里歸。一別東西十六年。公雁來鴻屬杳然。更

聽黃鳥求友聲。相思再過洛陽城。洛陽城中少相識。
滿陌桃李空春色。不待令威七世非。人間變態在瞬
息。唯有西公與河君。飄然仙袂拂塵氛。西公高枕東
山上。河君濯纓攝水瀆。攝水之瀆十萬家。家家絲管
競繁華。別有紅塵飛不度。一樓高處簇青霞。我來蹈
丹梯。玉童笑相迓。勸我杯中物。一嘗甘於蔗。瀉下胸
中萬斛憂。恍疑登仙而羽化。河君河君君休嗟。悠悠
人世多凡骨。我願與君一掃樓前雲。連宿同弄蓬島
月。

浪華田子明別莊花樹歌

浪華江上故人莊。春晝沉沉鳥聲長。紅塵不至墻一方。中有名花樹樹芳。燁燁燁燁映清光。微風一拂滿園香。主人愛客客滿堂。相逢相值各飛觴。海西僖父駐鳴榔。暫時來醉亦何妨。大塊假我以文章。況將良宴對艷陽。高歌一曲為君狂。不覺明月在東廂。起踏落花花似霜。

西溪捕魚歌

前潭捕一魚。後潭捕一魚。魚少何足惱。魚多何足貪。

捕罷不知魚多少。只看潑刺躍青籃。問君提魚何處去。笑指溪頭杏花墅。且掃花間明月光。閑與山翁傾綠醕。

白波操

白波操者。在中郎妻紀氏之所作也。中郎好淫。淫於高安里之女。每夕往焉。而紀氏不禁。中郎疑焉。一夕佯為出行。而陰伏伺焉。紀氏乃鼓琴而歌此操。中郎大慚。頗改其行。

暴風揚白波。白波沒龍山。中宵耿不寐。念子行路單。
虎可搏兮龍可羅。子兮子兮奈白波何。

擬晁衡贈李白日本裘歌

天蠶降扶桑。結繭何煌煌。玉女三盆手。絲絲吐寶光。
機聲札札銀河傍。織出雲錦五色章。裁作仙人裘。雲
氣紛未收。輕如三花飄閬苑。爛似九霞映丹丘。世人
懵懵苦塵網。安得被服游天壤。六銖仙衣或不如。何
况狐白與鶴氅。我求神仙無所見。遠至中州之赤縣。
東京西京屹相望。五嶽如指河如線。君不見歲星失

躔。落上清。化為漢代東方生。又不見酒星。思酒逃帝
席。謫爲本朝李太白。太白何往太白峰。手提玉杖叩
九重。九重天子開笑容。滿廷誰不仰清丰。片言不肯
容易吐。纔逢酒杯口蓬蓬。百篇千篇飛咳唾。大珠小
珠走盤中。長安城中酒肆春。胡姬壚上醉眠新。長揖
笑謝天子使。口稱酒仙不稱臣。忽思天姥駕天風。夢
魂飛度鏡湖東。百僚留君君不駐。紛紛錢祖傾城中。
我今送別無尺璧。唯以仙裘贈仙客。仙裘仙客一何
宜。醉舞蹉跎拂綺席。昂藏七尺出風塵。已如脫籠之

野鶴從是雲車任所至。弱水蓬萊同尺地。西過瑤池逢王母。云是日本晁卿之所寄。
 富元朗偶來都下。畱旬日。余未遑就見。元朗書來告別。且及人世變易不可久處。蓋規余也。乃作歌答之。

海內奇男富元朗。朗若秋空雲霧散。如何滿肚乖時機。羊裘歸釣菊川上。手提鱸魚三尺長。飄然忽過酒壚傍。滿城富貴非所慕。不忍醱醺撲鼻香。一醉連日不歸來。歌如金石轟如雷。恢恢天地間。千載難其友。

大兒山仲。小兒數士厚。文卿亦是。一佳兒。其他數子何足數。翻然片紙來告別。朝來欲反雲車轍。笑汝奔馳役世途。天機日淺道骨枯。陌上風塵霾且積。只恐埋沒七尺軀。
 贈劍工伊正良
 君不見。大東名山真鋼殖。刀劍之利冠萬國。又不見。歐公作歌長嘆息。不啻逸書存我域。維昔神尊劈毒龍。三尺神器出尾中。威靈並捧傳國璽。永與

皇祚赫無窮。爾來一億八萬歲。良冶名鍛世不空。天
藤邈矣天國遊。兩京三備各爭雄。相州神工字五郎。
古今斯技獨擅場。寸鐵尚抵無價寶。連城白壁黯喪
光。薩國之南紫海陽。誰其繼者伊正良。世隔五百地
千里。如何工力相頡頏。清秋八月霜如雪。鐵氣凜凜
寒欲裂。火吐芙蓉水凝冰。百鍛千煉何時闕。一道紅
光冲九天。龍形忽躍洪爐邊。鷗鷺之膏侘山石。一拭
一礪一何鮮。皓如江漢三秋水。燦如魁杓七星躔。燿
如霹靂飛紫電。撩如遊絲帶春煙。須臾變幻眩人目。

不分龜甲與蛇腹。缺月欲滅圓月明。大珠忽迸小珠
續。此物截金如截肉。魍魎潛藏鬼神哭。鮫飾一倍將
軍威。鞞琫偏宜君子服。雖然滔滔天下人。貴耳賤目
誰昔然。一割鉛刀盛玉匣。千金寶劍泣埃塵。眼前皮
相君勿吁。寧知千載無風胡。作歌相慰者誰子。阿蘇
山下一狂夫。

松村昌直見惠所親造寶刀一枚。賦以謝之。
嵇康好鍛器不傳。昆吾善鍛人則鄙。名士名鍛不可
兼。兼之者誰松村子。松村長不滿六尺。松村志氣何

軒昂讀書落落通大義。武藝般般亦出場。胸中之奇
無所用。時向冶爐敲秋鋼。雄劍雌劍應手出。千丈萬
丈光燄長。世人爭求恐相後。氣不苟合不回首。老夫
何幸比知音。一朝得之稱素心。唯恨臥病不可佩。空
掛壁上聽龍吟。

琵琶潭歌。送人歸南鄆。

桃花春雨滿煙嵐。瀉作琵琶百頃潭。二月三月春將
暮。千山萬山影自涵。片月未沉夜悄然。瑟瑟微風似
四絃。湘靈不返伶倫逝。大古之音奚自傳。城去久客

夢殘春。忽移歸棹向芳津。潭上霞兮潭底花。花可掬
兮霞可攬。潭中小舫是君家。

短歌送沙門獨有遊彥山

獨有師獨有師。此去欲何之。笑指彥山天一涯。借問
山中何所樂。草鞋不憚千里隔。春花秋葉飄零盡。只
有閑雲滿山白。

遊東釣客吟

頭不爲我戴我冠。肘不爲我繫華綬。片月爲鈎虹爲
竿。習習清風洒懷袖。十洲三島在那邊。東海洪濤與

天連我投芳餌待巨鰲。直欲赤脚躡層巔。

賦得墨川鷗。送大城文學之江都。

武州東畔墨川流。中有洲兮多白鷗。伊昔王孫好遠

遊。忘機弄鳥此停舟。王孫一去幾春秋。鷗將流水共

悠悠。文學名聲何藉藉。到處簪纓紛滿席。閑遊如對

墨川鷗。爲憶萬里滄洲客。

賦得東海道送西園文學之江都。

渺渺綿綿東海道。道望東海亦浩浩。山有鈴鹿川天

龍。欲行未行令人老。故人裘馬氣揚揚。五十三驛若

鄰莊。行者不知送者。枉使雲山夢裡長。

驅蠅歌

驅蠅驅蠅復來來。太囂囂聲若雷。逐臚慕睥何無

厭。結黨連朋亦夥哉。點污忽敗梁肉美。使人三嗅廢

筋七。蠅乎蠅乎何足憎。堂上杯盤實致爾。

其二

忽有朱杯賜。瓊瑤未足珍。微臣成百拜。一醉卽陽春。
燦爛浮霞彩。團圓似月輪。且欣霑美祿。豈樂可終身。
尊明閣賜宴。賦得春日載陽。以詩具事書中。
玉管輕灰動。紅輪麗景遲。山河饒氣色。草樹忽芳滋。
好鳥遷喬木。游魚躍綠漪。微臣無所有。願獻負暄時。

恭奉和秋日登披雲閣尊韻

環佩秋風響。追陪躡碧梯。誰知層閣上。坐覺四山低。
清調回金雁。雄篇奪彩霓。豫歡殊未畢。日照畫欄西。

雲子友見過得十一尤。幹幹腹五未。然不計。臨
急雨過山樓。蕭條暮色收。披襟開暑氣。把酒解窮愁。
脩竹深留客。疎荷淨似秋。不妨歸路晚。簾外月如鉤。
離席秋風起。瑤琴不可聞。誰懷黃鵠志。欲伴白鷗群。
深浦艇前月。孤峯巾上雲。羊裘休漫釣。物色及夫君。
再度舊花林。蒼蒼萬木陰。苔皆經昨雨。園已變春禽。
洗藥涓泉至。披書片月臨。五絃隨手撫。非是待知音。

負暄

愛日真堪愛。熹微春色生。鶴眠通午夢。梅影弄新清。
暄自飲前得。病於曝後輕。融融軒冕外。那有百情縈。

壽河母七十

佳氣鬱蒼蒼。南山近北堂。懷盈金橘色。客賦白華章。
絲竹開清宴。烟霞□羽觴。三遷隣並好。何必問仙鄉。

中元送人

中元元夕好。其奈別情饒。月與中秋似。梧纔一葉飄。
雲程遙指雁。江路欲乘潮。駐得鍾期在。朱絃不惜調。

送人從玄海赴畿內

一葦烟波上。秋風洒別卮。潮連玄海湧。山擁赤關移。
早雁帆邊聽。明珠月下窺。蕭蕭楓岸夕。誰共調朱絲。

友人山房

數里雲間路。迢迢上半峯。水源到門盡。山色入窗重。
芋栗收園稅。圖書薄戶封。醉來雙耳熱。脫帽倚風松。

和匡卿應長岡大夫招赴宴採釣園

小隊諸賢集。名園萬竹隣。軒車不容巷。魚鳥亦親人。
語愛支公捷。詩驚庾府新。清風綠池上。終日洒衣巾。

和伊大素遊續氏別莊

出城雖不遠。已涉數□野。園足貯芳春。人宜歌大雅。
聽鳥午陰移。攀花朝露洒。門外多垂楊。何妨屢繫馬。
送人遊天橋

昔人從此去。鰲背已千秋。之子無塵累。孤身又遠遊。
松聲行不盡。海月拾還浮。直到天橋上。御風凌十洲。

續君集得十一尤二首

城南大夫宅。爽塏延吟眸。新綠迷花後。薰風近麥秋。
客猶曾點服。坐似李膺舟。誰識人烟外。娟娟月滿樓。

其三十

閣上宜望夜。層軒面面暗。正逢孤月滿。何惜數杯傾。
藻思生餘韻。冰心有舊盟。驚看林影轉。醉卧近殘更。

花影

滿園花正好。花影亦參差。誰識艷妖質。却爲瀟洒姿。
欄前隨月上。水面使禽窺。不待狂風送。春光湛酒卮。

送樞生歸對馬島

五兩春風起。何愁海路難。鄉心逐鴻雁。文思對波瀾。
歸國雖孤島。爲儒已達官。更知蕭□□。聲譽動三韓。

送僧歸三井寺

好去琵琶湖上。蕭臺倚翠阿。結緣王舍近。開社道人多。
寶錫寧爭鶴。心經不用馱。寥寥禪觀夜。秋月在澄波。

訪堤山人

輕屐經冰雪。尋春到汝家。樹來幽谷鳥。門鎖半峯霞。
藥圃窺紅甲。椒盤進彩花。此溪期再度。莫使白雲遮。

題東坡遊赤壁圖

尺幅有餘清。飄飄遺世情。人如歌窈窕。舟似泝空明。
一代英雄盡。千秋感慨生。却疑相引去。置我水雲程。

二十首春雪二首

半夜覺微霰。霏霏朝未休。春風吹不定。芳樹暫難留。
纔是和花落。如何見曉流。獨憐林際石。似帶白雲幽。

其二

雪飛何慘慘。當此發生時。萬里黃雲合。終朝白日溼。
啼鶯還舊谷。凍雀隱深枝。只待東風至。來牟綠滿苗。

贈伊大素移居二首

不待詹何卜。一枝聊借安。經營僅數畝。興趣亦多端。
且暮雲山變。春冬松竹寒。寄言浮世侶。此處避波瀾。

舊宅已□惡。新居又若何。自非青嶂迫。爭得白雲多。
中饋餘藜管。初衣足薜蘿。花谿能絕世。可厭故人過。

蒲葵園集河伯潛初至東風至來年務欲留

客若仙山鶴。遙遙下白雲。賦皆金石響。佩自蕙蘭薰。
綠樹飄殘蕊。紅樽漾夕曛。明朝一分手。何處挹清氛。

薩州赤田二生來學赤生少於余四歲余嘉

其遜志好問賦贈

二子南州彥。翩翩自遠方。西山吾老友。北學楚陳良。

書卷餘螢雪。瑚璉期廟廊。舞雩風日好。相伴弄春光。

夜宴林氏水亭同賦繩字二首

夜宴撤明燈。玲瓏秋月澄。停杯聽白苧。披簾臥清冰。
遠水如無際。金波似可凌。悵然動歸棹。餘興亦繩繩。

其二

四面皆成檻。閑來堪可憑。觀瀾移白晝。寄曲入朱繩。
芳渚開新藕。巖松掛老藤。暝鐘鳴近寺。戀賞未能興。

七夕續子亭集得十灰別韻三首

寥寥星月下。琴瑟有心哉。况值新秋至。還修舊好來。

微風吹玉樹。零露滴瑤杯。隨意軒楹外。吟詩拂石苔。

同諸子題井子瑤藥欄限韻三首

數畝營花樹。微官似漆園。一朝春雨足。滿畹藥苗繁。籬落渡鴉子。松陰墜鶴孫。何尋許玄度。月下可清言。

其二

藥欄成大隱。芝嶺笑東園。土脈迎陽發。春芽逐日繁。花開來鳳子。竹迳送龍孫。一醉敲空石。琅琅發永言。

其三

只移花與石。寂寞掩南園。不有形骸累。自無名利繁。

山人談藥性。琴客贈桐孫。乃識漢陰意。桔槔何足言。

酬黃山人月夜見懷限韻二首

遙峯送好月。來照戶庭間。我已慵孤酌。君何不下山。靜聽清露響。空望白雲還。借問松蘿裏。巖扉關未關。

其二

零露如殘雨。踈踈響竹間。鄙心憶黃度。幽夢在青山。世上多酬酢。雲涯少往還。遙知明月下。候我倚松關。

送人之奧州限韻三首

春風吹別酒。分手各西東。路繞衣川北。花明錦塞中。

非看王化遠。爭識職方雄。海上饒過雁。莫教音信空。

其二

之子就征路。悠悠東復東。巖城秋色外。鹽浦白雲中。跡合千山遍。身唯一劍雄。高堂計歸日。莫使倚門空。

其三

昔日豺狼窟。分符重鎮東。明時無化外。到處盡寰中。滄海思仙子。名山禮大雄。歸期安可卜。孤鶴在雲空。

江樓雨集

舉目失前峯。江頭雨色重。柳兼蒲嫋嫋。烟與水溶溶。

楚調偏添藻。深談欲露鋒。獨醒吾所愧。勸爾酒千鍾。

贈舟山隱者二首

我愛舟山隱。蕭然一亩宮。白雲生屋裏。流水入園中。藥徑盤桓足。虛窗眺望通。雖無濟勝具。肱卧樂融融。

其二

我愛舟山隱。優游一逸民。年齡過八十。顏色帶陽春。書體猶時習。詩情又日新。窗前見芳艸。閑坐獨頤神。

漁者請樵者

晚暮收漁網。青籃錦鯉多。一樽慵獨酌。孤月待君過。

樵徑紫藤竹。漁亭映芰荷。滄浪興不淺。欲和採芝歌。

戲贈學仙者

舉世無仙骨。唯君有道心。六銖衣未製。三秀艸難尋。欲御天風歇。將航弱水深。寥寥樓閣上。空弄鳳簫音。

送宇治君還阿蘇

華胄何綿綿。威儀出自然。服猶唐制在。山本漢封傳。祖席驪駒曲。歸程紫翠邊。餘香三日後。還憶令公賢。

小集同用五微首

聞寂孤亭興。偏疑在翠微。客來唯茗酌。官暇即羅衣。

掃石看雲意。開窗弄竹輝。擬將仙鶴響。寫入膝前徽。

踈雨滴梧桐

微雨過高樓。梧桐入早秋。靜聽餘滴響。頓覺夜涼浮。坐耐欄前久。杯宜月下酬。回看河漢影。欲傍翠簾流。

龍峯看花

名山抱名利。幽屐入幽林。空翠生春服。垂蘿拂客簪。半峯香界近。衆壑白雲深。花下逢僧。相迎弄古琴。

謝山僧惠茶

性癖無朋好。風流有遠公。新收黃雀舌。遙寄翠雲筒。

一鼎松間籟。孤床竹裏風。誰知傾碗罷。夢繞虎溪東。

暮秋始訪板徵卿得七陽六首

卜居隣市陌。舉目即林塘。徑自初來熟。歡緣舊識長。
杯尊傾未盡。賓主坐相忘。君有瑤琴曲。休慳一再行。

其二

風雨苦重陽。新晴興更長。客猶烏帽落。座自鳳琴張。
盤上菜萸色。杯中琥珀光。不必登高去。林間問汝狂。

其三

綠水開池館。青霞滿洞房。超然拂塵色。倏爾似仙鄉。

壁畫皆怡日。聲詩欲浣腸。一琴兼一鶴。羨汝日相將。

其四

西郭乘秋興。東籬訪晚芳。子桑元大簡。陶令亦踈狂。
醉敢求醒石。詩兼有酒腸。相逢心莫逆。松下翠雲長。

其五

登樓宜遠眺。對酒送斜陽。鹽井連夫里。金峯接女墻。
餘霞秋作綺。邊雁晚爲行。莫怪天如水。今宵月正望。

其六

靜夜頻投轄。閑園且進觴。席添金菊色。壺泛玉蟾光。

酒態隨山簡。騷情伴謝莊。湛湛池上宴。不覺有流霜。

觀獵

將軍多暇日。小隊出林坳。打獵應時令。馳驅察地形。射聲風外急。鷹眼雪中青。野燒恐盡物。歸路夕冥冥。

擬送賀知章致仕賜湖歸隱

二疏已千春。唯君繼後塵。寧無魏闕念。將與白雲親。解綬還天子。分金與故人。鏡湖烟水濶。何處問垂綸。

擬送孟浩然歸襄陽

匹馬來千里。詩名動帝畿。不逢狗監薦。空向鹿門歸。

江路唯芳艸。河梁自落暉。岷山休屢上。涕淚恐沾衣。

擬訪王維輞川別業南園業

問訊君常在。朝昏興不同。誰知山水美。集此輞川中。施食來幽鳥。分磯與釣翁。園林探未半。處處夕陽紅。

擬唐人岳陽樓作

孤客感清秋。登臨湖上樓。洞庭雲漠漠。萬古水悠悠。鴻雁無南信。瀟湘自北流。故園歸未得。空愧一沙鷗。

擬送李白賜金放歸

奇才不世出。夫子尤□倫。懷璧值明主。賜金殊逐臣。

雲行元自在。龍性竟難馴。非向名山去。安能□□□。

擬送高適充西川節度使

天子念賢豪。西川附鉞旄。右文巴俗化。兼將蜀星高。
宴客披紅帳。吟詩舞錦袍。丈夫有如此。何愧呂虔刀。

擬訪杜甫浣花艸堂

浣花何處好。行藥暮春晴。冉冉白鷗逐。關關黃鳥鳴。
文章夫子得。寵辱世人驚。鑑此清溪水。誰生鄙吝情。

擬送盧綸落第隱終南別業

客有治安策。其如時命何。空懷明月壁。歸卧碧山阿。

一徑深松竹。何人問薜蘿。終南不可望。惱殺白雲多。

擬答賈至南州見贈

隻字如珠玉。斯人在杳冥。明君多謙讓。才子久飄零。

客夢隨鴻雁。歸心滿洞庭。賜環應有日。一作鳳池何

效楚臣醒。一作鳳池何

擬訪李頌東園

西嶺翠微接。東溪流水來。主人甘淡泊。終日坐莓苔。
林木秋聲滿。雲山夕鳥回。李膺殊簡傲。能得幾人陪。

擬送丘為落第歸江東

丘遲南國彥。何事久沉淪。終歲空燃桂。三江憶採蓴。
秋風回棹客。落日倚門人。大器成應晚。無為獨愴神。

西嶺擬題儲光義終南幽居

甘藷所發山坐喜言

屏跡何蕭寂。只於青嶂隣。久為獨徃客。誰復耦耕人。
松色無冬夏。雲光有夕晨。君王如出獵。溪上問無綸。

擬贈韋應物為蘓州刺史

蘇州賢太守。心似江水清。寂寞唯高枕。

何事為絃歌

自滿城焚香春晝永。移竹暮雲生。但聽訟庭上。啾啾
黃雀鳴。

擬送劉長卿赴淮西

淮海不可望。悠悠天一涯。此行非失意。何事復傷悲。
地自隣荆楚。歌多雜竹枝。寄言小山隱。莫背聖明時。

擬送錢起擢第歸省吳興

才子登科早。名聲動漢宮。一朝思膝下。萬里返江東。
懷袖唯黃橘。家山盡錦楓。歸來方得意。不是感秋風。

擬送岑參自侍御史出為嘉州刺史

數世名門曾。文本風流復在茲。相臺初措笏。沃野更
褰帷。路側甘棠樹。州邊竹馬兒。何知敦厚教。不賴使

君詩。

擬贈杜甫從賊中達行在所拜右拾遺

斯人恥充祿。孤憤訴蒼天。竹節經霜勁。葵心向日偏。苦辛千里道。飛躍中興年。吉甫能爲頌。行應被管絃。

擬送王昌齡左遷龍標尉

東亭僅分手。嘶馬亦蕭蕭。路若長空沒。人同一葉飄。片心思鳳闕。何日到龍標。莫向五溪去。聽猿秋夜遙。

擬送韓愈貶潮州刺史

萬里潮州去。人憂道路勞。不爲兒女別。益覺使君豪。

開口稱堯舜。視身如羽毛。從來忠信士。可以蹈波濤。

擬送柳宗元謫永州

永州千萬里。唯是逐臣過。衡陽南雁少。楚國北流多。寂寂思來信。悠悠感逝波。明君方旰食。賈傅莫長嗟。

贈隱者

夫子天爵貴。軒冕何足云。杜門耽寂寂。種秫計醺醺。有句題青竹。無人掃白雲。古來高尚士。瀟灑不如君。

送伯盈歸天草

天草雖南鄙。風光冠我州。西邊寰穉海。孤島似瀛洲。

月出珠盈浦。雲歸鶴伴樓。不能隨爾去。佇立望行舟。
送樺生游洛

游子輕千里。新年向洛陽。劍歌餘意氣。登覽入文章。
日下喜春早。花間忘路長。北方諸學士。多合讓陳良。

苦雨

四時雖苦雨。無苦百花時。寂寂春山暗。濛濛晝日移。
老夫恹泥土。空自卧茅茨。明發尋芳樹。恐□爛熳枝。

米府樺松二生。初至草堂小酌。賦贈。

二子如連璧。清輝照草堂。誰知千里外。來問老夫狂。

古道存琴曲。新歡在酒觴。殷勤北歸雁。月下警回翔。

譚州石后琴阿翁。今茲七十。需子壽詩。賦贈。

此翁曾一面。屈指已旬年。家自隣名嶽。齡應近地仙。
素封圖籍滿。陰德子孫賢。寄語冥搜客。人間有洞天。

送野侍監老後應□命赴江都藩邸

罷官未週歲。承命復東行。梁苑重枚叟。楚王思穆生。
古來稀七十。今子獨恩榮。江路春風早。到時花滿城。

寄贈渡君公象避暑蘇山山房

君愛名山色。蒼蒼絕暑埃。時憑青玉案。長嘯白雲隈。

露頂松風洒。含杯嶺月來。不愁無侶伴。鸞鶴自追陪。
歲晚送人得青字二首

山山

哀鴻不可聽。游子散郊垞。歲月隨流水。親朋似曉星。
鬢添數莖白。眼得幾人青。知爾迎春日。椒花醉客亭。

其二

殘年無幾日。何意上離亭。送汝雲霄器。羞吾犬馬齡。
梅花鬢邊白。楊柳曲中青。惆悵滄江上。北風教客醒。
雪中送人二首

風雪難爲別。勸君金屈卮。年光且將盡。匹馬欲何之。

日暮遠山曲。雲迷流水涯。客中逢柳絮。不憶斷腸時。

其二

君行何太促。前路雪濛濛。橋畔攀衰柳。天涯送斷鴻。
淚凝雙袖上。歌激數杯中。去馬無踪跡。尚聞嘶北風。

和大素尋堤山人

青郊近二月。漸見積陰開。古渡迷春水。幽廬隱野梅。
叩門驚曲枕。聽鳥盡餘杯。更愛林亭上。風塵不到苔。

送獨有師

高僧愛登覽。所愛在清輝。野鶴一爲別。何天不可飛。

雲山春渺渺。花雨晚霏霏。客路無詩伴。時思五柳扉。
贈高學士傷足齋居

聞說樂正子。連旬不下堂。交驩何契濶。雨雪正蒼茫。
欲寄無芳杜。沉吟到夕陽。出游應有日。爲汝掃林莊。
贈大素釋褐二首

伊子阿衡後。愔然釋褐衣。性情安所遇。朝野亦同歸。
旣得步兵酒。何庸彭澤扉。吾廬殊咫尺。花月莫相違。
其二

辟書下丘壑。整服就蒲輪。畎畝投雙耜。松林掛角巾。

誰知梁苑客。元是草廬人。猿鶴且休怨。明時無逸民。

次韻高助教過伊大素

寂寂林窗下。啾啾暮雀鳴。偶來高卧地。無復世塵情。
捐喜蟾光早。杯憐菊露清。漆園知可隱。何必白雲耕。
次韻井子琴秋夜迎諸君

月明秋露白。相見興潭潭。高志思汶上。清評似汝南。
拂徽星錯落。揮麈雪蹉跎。誰識市中隱。不殊雲外庵。
山氏段山亭菊榭飲

亭榭多秋興。朋交似素期。翛然竹林下。又值菊花時。

香氣飄雙袖。雲光繞一籬。山公愛嵇阮。不□此逶遲。

次韻高助教送獨有師游金海山二首

問師何處去。山上古禪林。曾駐高僧錫。非關長者金。嶺雲秋浩浩。松戶晝陰陰。只恐愛清境。自無降世心。

其二

飛錫入名嶽。蒼茫下界分。法華靈鳥嘯。禪坐白猿群。中霄唯有月。絕頂不生雲。知師證上果。何肯逐聲聞。

送子輿還播州

之子懷明月。清光識者稀。偶驚朱夏至。遙向赤城歸。

酒上薰風度。琴中僊鶴飛。還家知有日。扇枕侍雙闈。

送邊孟肇歸防州

千山鶻鴟鳴。一夜客心驚。不有分襟苦。其如扇枕情。薰風生夏木。斜月隱江城。去影猶瞻望。應須緩轡行。

飲宮田氏

烟村收積雨。江碧帶殘春。暗柳深藏屋。漁家半作隣。提壺賒綠酒。舉網得銀鱗。日暮芳洲上。停杯聽采蘋。

京華游俠窟

三秦行樂地。二月艷陽天。意氣多輕薄。跳梁最少年。

名園金作埒。寶馬錦爲韉。誰識逃冥子。蓬門獨草玄。

游夕陽庵

亭高飛鳥上。望落夕陽間。偶爾乘官暇。飄然出世寰。
千章紅錦樹。九疊翠屏山。何若牽簪笏。無由屢往還。

山居秋晚

谷口秋陰暗。村西夕日斜。宿鴉爭樹杪。歸犢認人家。
山色看無倦。樵歌聽不譁。一樽留野客。款曲話桑麻。

水明樓夜集

竹外溪光白。樓頭燭影明。客皆無別調。談自有餘清。

綠酒傾銀甕。紅爐炙玉笙。起看山月吐。歸路欲殘更。

草堂集得長字

忽訝烏紗帽。頻傾綠酒觴。世唯同指馬。客自類求羊。
舊蘚無塵色。新荷動夕涼。移床半池上。隣竹翠陰長。

首夏山莊卽事

雖值三春盡。名園興不孤。雲隨山窈窕。路入谷縈紆。
餘蕊時時墮。殘鶯處處呼。林泉探未徧。樹杪日將晡。

綠陽田氏席上文卿吹笙

萬里滄浪水。吾來欲濯纓。梳盛琥珀色。笙作鳳皇鳴。

卉竹臨流淨。烟霞近席明。誰知飛閣上。飄渺似蓬瀛。

邊馬有歸心

金城秋氣早。邊馬有餘悽。隴水初傷骨。河水幾裂蹄。
悲風生櫓上。斜月掛樓西。羌笛知何處。蕭蕭仰秣嘶。

送人還蕪山

不戀浮生事。將還舊住家。衣猶裁薜荔。跡已混麀麋。
竹杖求靈節。松醪釀異花。欲知高蹈處。嘯響滿烟霞。

客舍守歲

故園千里外。殘臘一宵中。客夢驚鐘漏。歸心寄雁鴻。

繁燈挑更短。柝酒與誰同。但恐春風起。吹吾滿鬢蓬。

送人游諾樂

此去尋陳迹。寧論道路賒。舊都多感慨。何處問繁華。
鹿舍春野草。僧護古藍花。知君留信處。多在杜康家。

送人使對馬

東風吹錦纜。萬里送樓船。問俗三韓境。揚帆對馬天。
春星隨使節。陽鳥附鄉箋。應識扶桑日。光輝被八埏。

贈高山人釋褐

吾愛高夫子。行藏各有時。忽逢東閣待。何勒北山移。

華綬辭丹洞。蒲輪下翠崖。一琴兼一鶴。不□遠追隨。

聽鶴

遠鶴搖清唳。隨風落枕邊。如何雙耳淨。頻使片心懸。
水國微茫月。楓林黯澹烟。恍疑相引去。棲我緱山巔。

過米大夫四時園得五歌四首

客過開玄閣。朝回解素紇。不愁同調少。相見故人多。
彩筆詩如繡。紅樽酒似河。醉來忘禮數。散髮卧林坡。

其二

甲篋連城市。深園到薜蘿。米癩頻拜石。草聖久籠鵝。

美日間中涉。名山卧後多。花林月更好。不用魯陽戈。

其三

此地四時過。芳春興最多。隱囊追蝶夢。鳴瑟和鶯歌。
竹裏詩筵淨。花邊酒色醅。不嫌賓客滿。退食自逶迤。

其四

名園春晝好。春夜又如何。懶性親紅友。閑情伴素娥。
禽驚花露滴。星動竹風過。更到論心處。寧知漏水多。

松下彈琴

幽人幽意足。松下調朱絲。目送飛鴻遠。心於獨鶴期。

風前蘿帶解。石上茗爐歎。遺響何寥絕。林端片月窺。

過文卿得清字

一雨無塵色。林庭欲二更。遙遙山月上。冉冉水烟晴。
點瑟時希鼓。融樽不惜傾。與君相見笑。眉宇有餘清。

宿蘓山僧院

誰識遠公房。迢迢隔俗鄉。二更群動寂。片語道心長。
白日懸諸界。明河繞上方。願消三伏熱。連宿得清涼。

春初過田子荈

江南春色早。懷抱爲君開。渚畔生芳芷。堤邊糝落梅。

風輕帆影過。目斷雁群回。樓上堪留宿。新醪已發醅。

九日蓮光寺集三首

郭內愁風雨。林扉得夕晴。興隨黃菊發。詩與碧雲清。
異果新分品。幽禽不辨名。欲窮深處去。試向竹中行。

其二

並騎出都城。迢迢物外情。猊床烏帽落。蓮社菊樽傾。
青眼分林影。清吟帶磬聲。上人精茗理。不使小僧烹。

其三

戲著高僧帽。風吹不惜傾。道原存目擊。詩自發心聲。

停瑟窺禽語。開樽泛菊英。林端露微月。把臂倚前楹。

游仙十首

一路緣丹壁。雙溪架彩虹。由來期汗漫。幾歲卧崆峒。
秀草春雲外。琅書夜月中。纔收丹竈火。雞犬在層空。

其二

身著六銖衣。雲邊建彩旂。珮聲深夜響。舄影半空飛。
鳳鳥非凡鳥。天機異世機。相逢圍一局。擬賭玉桃歸。

其三

勅賜一青龍。東邊得外封。天門開祖道。雲輅絕行蹤。

玉節仙童擁。銀壺姮女供。洞天三十六。蕭管日相從。

其四

王喬與令威。並駕欲何依。乍過三山去。寧知七代非。
瑤池青鳥使。玉洞白雲幃。纔喫一杯酒。人間作雨飛。

其五

風馭時纔罷。天香不用焚。欲迎蓬島月。閑掃華陽雲。
玄圃人參草。金函鳳篆文。深宵誰偶語。只有小茅君。

其六

山中一羽仙。降謫自何年。有藥功將滿。無言姓不傳。

求泉穿月窟。種玉遍雲田。紫鳳含徵詔。雙雙下九天。

其七

暫下玉皇庭。相携過酒星。誰將銀漢水。釀作紫霞醴。
太白擎浮爵。鈞天入妙聽。支機一片石。醉臥幾千齡。

其八

一洞知何境。三花度幾春。白羊多化石。瑤草半爲裊。
服罷餘雲母。修來有谷神。篆牌人不識。疑是許真人。

其九

相逢群玉圃。共醉九光杯。王母能留客。雙成亦善詼。

舞俱玄鶴起。謠入白雲裁。八駿誰家子。門前脩刺來。

其十

道骨千齡外。神丹一鼎中。手携蒼玉杖。笑倚綠鬟童。
鶴背凌天路。簫聲過月宮。縱教名姓在。不與世人通。

龍山看花。匡卿文卿先余而至。偶然相逢。花

下留飲。及暮而歸。

自有流鶯引。花間一徑分。獨行如喪我。幽處忽逢君。
酒榼同春興。苔壇拂夕曛。上方鐘磬響。猶隔數層雲。

過辛翼之得十二文

竹下有清氛。停驂對夕曛。眼能青白視。酒自聖賢分。
俠客燈前劍。山僧袖裏雲。悲歌猶未畢。初月照苔紋。

贈劍客

有客何牢落。鬚髯亂似蓬。家原深井里。師是白猿公。
肝膽逢人吐。名聲到處通。一身餘一劍。醉舞爲誰雄。

菊圃飲

主有盈樽酒。相携就菊叢。悠然喪吾我。何復問窮通。
隱自深三徑。園唯過十弓。南山佳夕氣。相望弄絲桐。

游成道寺一首

隱隱松間路。泠泠石上泉。我來無係累。偶此訪幽禪。
花洞千絲雨。香林一炷烟。山僧眉若雪。幾歲奉金仙。

其二

步步入山雲。還疑白日曛。鳥馴魚梵響。巖鑿貝經文。
戶外苔痕滿。潭中磬影分。禪廚無所有。晚飯煮香芹。

送朱山人採茶菟道

故人鴻漸侶。尋茗暮春天。菟道東南勝。虹橋杳靄邊。
瓶中分水性。洞裏訪雲仙。採摘知何處。鸞音萬嶽巔。

大年亭集弘前山文學至

城南秋欲晚。一徑入林莊。非擲塵中事。那知醉裏鄉。
拂琴松韻冷。泛酒菊花香。坐有東瀛客。烟霞興更長。
倏忽為蝴蝶。何園不可飛。已無身外累。寧辨夢中非。
相相尋春色。閑閑送夕暉。達哉莊叟意。千載識人希。

寄贈野子轍重宿小金峯絕頂

君向金峯去。翩然道服輕。溪雲期再度。嶺月忽相迎。
發嘯驚中散。捫星迓大清。天雞聞未畢。海上日光生。

寄邊李二君游畫圖湖

渺渺望秋波。沉君興若何。况携遺世侶。同聽濯纓歌。
鴻影南天盡。蘋風晚渚多。樓頭生暝色。停盞待姮娥。

訪舟山杜翁

欲問杜翁家。盤桓野水涯。雞聲深巷樹。籬落小春花。
點瑟閑中鼓。陶巾漉後斜。兒童慣客醉。石鼎煮雲芽。

茅齋新成諸君見過

結茅深巷裏。載酒故人來。移石苔纔點。開窗鳥不猜。
琴書幽事足。談笑雅懷開。幸有西隣竹。清陰落酒杯。

送田記室東行

扈從稱記室。裘馬更翩翩。一路分襟外。三春載筆前。
月殘函谷夜。花媚武陵天。杳渺相思夢。隨君渡海烟。

武雄道中

澹澹微雲色。晨行尚聽雞。朝暎一以照。四顧盡清溪。
樹樹交紅錦。盤盤上碧梯。因懷劉阮侶。莫是此中迷。

夜到漁家

遠客迷歸路。茫茫片月微。烟村燒楚竹。潮色動江扉。
野老皆爭席。沙鷗亦息機。一瓢吾有酒。與汝破霜威。

立秋送人

琴瑟離堂夕。秋風拂玉徽。正逢邊雁動。忽送季鷹歸。
水浸長空濶。帆隨一葉飛。青楓江上淚。濺盡楚臣衣。

朝起望蘇山

比日愁雲霧。斯晨忽快晴。一峰如湧出。百里見鮮明。
柱笏仙風入。餐霞道骨輕。名山有餘韻。入我素琴鳴。

過巖君宅

日夕佳秋氣。林村澹翠烟。南山如戶外。相見共悠然。
一鳥過籬落。孤霞落几筵。主人新釀好。不待白衣傳。

送僧還琉球

天龍噴沫落。化作大琉球。但有安禪地。何論散粟州。
蚌珠懸佛日。蜃氣現空樓。渡海無舟楫。唯看一鉢浮。
送友人游木葉溪訪伊山人廬
夫子去何處。垂綸龜水涯。石皆雲母氣。林半木奴花。
茂艸來馴鹿。深潭浸晚霞。遙遙雞犬響。認得故人廬。
送道士還山
夫子人間住。同塵幾歲華。忽傳雙鶴信。欲返五雲車。
來去雖無跡。崆峒自有家。如何溪上路。不復種桃花。
游西光寺觀假山水

琴瑟離堂夕。秋風拂玉徽。正逢邊雁動。忽送季鷹歸。
水浸長空濶。帆隨一葉飛。青楓江上淚。濺盡楚臣衣。

朝起望蘇山

比日愁雲霧。斯晨忽快晴。一峰如湧出。百里見鮮明。
柱笏仙風入。餐霞道骨輕。名山有餘韻。入我素琴鳴。

過巖君宅

日夕佳秋氣。林村澹翠烟。南山如戶外。相見共悠然。
一鳥過籬落。孤霞落几筵。主人新釀好。不待白衣傳。

送僧還琉球

天龍噴沫落。化作大琉球。但有安禪地。何論散粟州。
蚌珠懸佛日。蜃氣現空樓。渡海無舟楫。唯看一鉢浮。
夫子去何處。垂綸龜水涯。石皆雲母氣。林半木奴花。
茂艸來馴鹿。深潭浸晚霞。遙遙雞犬響。認得故人廬。

送道士還山

夫子人間住。同塵幾歲華。忽傳雙鶴信。欲返五雲車。
來去雖無跡。崆峒自有家。如何溪上路。不復種桃花。

游西光寺觀假山水

數里城西路。蕭宮萬木齊。假山疑在野。流水自成溪。
疎蕊時時墮。幽禽處處啼。藤蘿昏黑興。咫尺使人迷。

郊行

散步離城闔。雲山逐望新。誰知攜手侶。同是愛山人。
渡口橫藜杖。風前正葛巾。偶然琴興發。尋友入松筠。

送人歸隱琵琶湖二首

一官羈不得。千里動歸情。便有扁舟釣。何勞二頃耕。
湖山翻畫譜。款乃入詩聲。笑殺鴟夷子。千金尚近名。

其二

琵琶三萬頃。何處不垂綸。石鏡窺華髮。深潭得錦鱗。
片帆懸夜月。斗酒換陽春。誰識烟霞外。菰蘆自有人。

送真元麟歸崎陽

祖席大江濶。商飈拂玉琴。紫尊張季興。黃橘陸郎心。
一雁橫秋水。孤帆遶遠岑。遙懷瓊浦月。璨璨滿歸襟。
仲瑞文卿元朗見過得七虞時元朗將還山
座有還山客。聊爲一夕娛。烟霞成汝瘡。簪笏豈吾圖。
綠杖龍將化。朱絃鶴欲孤。不知分手後。斗酒與誰俱。

中秋泛舟大迂江

萬里纖雲斷。長江皓月輝。金波流桂醕。玉露濕荷衣。
孤雁橫舟過。群峰入鏡微。停橈睡鷗渚。夢裏亦忘機。

謝人惠名山圖

五指動名山。移來几席間。白雲知可贈。丹嶂不勞攀。
景入綃中縮。游從枕上閒。請君携嘯侶。時復叩柴關。
中秋前一夕小酌時谷君將赴江都
微雨秋逾好。涼天月欲團。况將千里別。無奈暫時歡。
舍瑟驚鴻過。分襟覺露溥。片心論不盡。只有玉壺寒。

道院早秋

散髮卧崆峒。冷然似御風。雙溪炎色盡。孤壁白雲通。
珠露垂秋蕊。金鐘度晚空。松花君有酒。課取一仙童。
月夜過甲斐氏時園菊盛開。
柳市南頭隱。兼看種菊花。吾來尋閨寂。偶爾過籬笆。
石縮湖山勢。窗含星月華。一樽傾未盡。况近杜康家。
蒲葵園集
東郊欲蹈青。半路過君亭。眺望雖非野。芳菲亦滿庭。
詩成宜朗詠。杯至莫空停。五柳似留客。參差遮暮扃。
次韻子友游赤氏別業

綠蕪行不盡。渺渺暮烟中。繞宅千竿竹。應門五尺童。
閒心送歸鳥。醉面受和風。休問行藏理。浮雲在半空。

贈律僧菩提

我愛菩提子。峻嶒骨相奇。浮雲雖善幻。明月不離規。
行必避蟲類。齋常先午時。□林嫌再宿。何以布金爲。
執政傳恩命。降階拜賜衣。衰年宜挾纊。陋巷忽生輝。
黃河餘濶濶。精衛一身微。老婦慣私服。今朝驚下機。

壁上畫雲

四壁生雲氣。其容萬不同。畫來雖洒洒。座上已濛濛。
 鶴駕招堪下。天梯躡可通。寄言避世客。何必在山中。
 寶錫鳴不已。翩然萬里翻。雖無常住相。寧厭結緣煩。
 雁窠空中墜。龍珠海上噴。帝城多長者。何處是祇園。

井子善亭集

積雪千峯盡。春園雨不寒。衝泥雖數里。載酒亦同官。
 書室人稀至。詩屏墨未乾。願隨南澗竹。屢此問平安。

次韻匡卿春雨

漠漠滿空雨。冥冥如暮時。衣霑濃蝶粉。珠碎燦蛛絲。
 箏合今朝迸。苔於舊日滋。酒家泥濘滑。何敢役童兒。

